

Index Initialis.

Sic humani plerumque . 344  
Si cunctas per Orbem . 182  
Solicitudo, paternusque . 134  
Superna dispositione . 277. 292  
Super specula militantis . 366  
Super uniuersas Orbis . 274. 285

T

Tanta sunt . 39  
Triumpantis Hierusalem . 405

V

Vigore privilegii . 80  
Virium nostrarum infirmitati . 132  
Uniuersi Orbis . 20  
Volentes, quantum in Nobis . 294  
Ut cuncti fideles . 159  
Ut primum potestas . 278

IMPRIMATUR,

Si videbitur Reverendissimo Patri Sacri Palatii Apostolici Magistro.

F. M. de Rubens Archiep. Tharsi Vicegerens.

IMPRIMATUR,

Fr. Aloysius Nicolaus Ridolfi Ordinis Prædicatorum Sacri Palatii Apostolici Magister.

CON-

AN. CH.  
1581.

AN. CH.  
1581.



CONSTITUTIONES  
GREGORII XIII.  
ANNO DECIMO.

CXXIX.

Medici Hebrai, vel Infideles ad curandos Christianos infirmos non admittantur. Et Medici omnes seruent Constitutionem Pii V. in monendis infirmis ad confessi onem peccatorum.

Hoc idem quoad Medicos Hebræos statuit Paulus IV. in ejus Const. IV. Cum nimis Tom. IV. Part. I. fol. 321.

GREGORIUS PAPA XIII.

Ad perpetuam rei memoriam.

Papa IV. prohibuit Medicos Judæos curare posse Christianos.



Lias pia mem. Paulus Papa IV. Prædecessor noster, edita perpetua Constitutione inter alia fanciuit, ne Medici Judæi, etiam vocati, & rogati, ad Christianorum agrotantium curam accedere, aut illi interesse possent.

Pius V. approbavit.

§.1. Quam Constitutionem postea Pius Papa V. etiam Prædecessor noster per suas literas approbavit, innovavit, & confirmavit, & robur perpetuæ firmitatis obtinere decrevit, ac voluit, & sub intimatione divini iudicii præcepit, & mandavit omnia in eadem Constitutione contenta in posterum firmiter observari, non solum in terris, & dominiis S. R. E. subiectis, sed etiam ubique locorum.

Innocent. III. & Pius V. in Const. III. iusserunt Medicos non posse ad infirmos non confessos accedere.

§.2. Quia tamen Nobis non sine magna animi nostri molestia innotuit, eam minime observari, sed per multos adhuc ex Christianis hominibus esse, qui dum suos corporum languores illicitis mediis, & præcipue Judæorum, ac aliorum Infidelium opera fanari cupiunt, veræ salutis animarum suarum, & corporum simul immemores sunt, & quod valde dolendum est, in damnationis æternæ maximum sepe discrimen incidunt, Medicis Judæis, & Infidelibus hujusmodi ad ipsorum curationem vocatis, & adhibitis: unde fit, ut & Judæis, ac aliis Infidelibus magna detur delinquendi occasio, & simul salutare præceptum negligat. Bull. Rom. Tom. IV. Par. IV.

tur, ab Innocentio Papa III. similiter Prædecessore nostro in Concilio generali quondam emissum, & deinde a prædicto Pio V. innovatum, quod omnes Medici cum ad infirmos in lecto jacentes vocati essent, ipsos ante omnia monerent, ut idoneo Confessori omnia peccata sua juxta ritum S. R. E. confiterentur, neque tertio die ulterius visitarent, nisi longius tempus infirmo Confessor ob aliquam rationabilem causam, super quo ejus conscientia onerabatur, concessisset, & eis per fidem Confessoris in scriptis factam constaret, quod infirmi peccata sua confessi fuissent.

§.3. Idcirco Nos tam Judæos, qui adversus mandata hujusmodi Apostolica committere audeant, quam Christianos, qui illos ad se accerunt, vel medendi licentiam concedunt, & viam ad delinquendum eisdem aperiunt, coercere volentes, supradictas Prædecessorum nostrorum Constitutiones, auctoritate Apostolica, tenore presentium approbamus, confirmamus, & innovamus, ac inviolabiliter observari mandamus, atque hac nostra in perpetuum valitura Constitutione, eisdem Constitutionibus, & præceptis, pro firmitate illorum observatione addentes, universis utriusque sexus Christianis districte inhibemus, & interdiciamus, ne posthac Judæos, vel alios Infideles ad ipsorum Christianorum agrotantium, & infirmorum curam, vocent, seu admittant, aut vocari, admittive faciant, concedant, vel permittant.

§.4. Mandantes propterea omnibus, & singulis venerabilibus fratribus nostris Patriarchis, Primatibus, Archiepiscopis, & Episcopis, necnon dilectis filiis aliis locorum Ordinariis, & quibusvis Parochis, aliisque animarum curam habentibus, & exercitibus sub indignationis nostre, ac alii arbitrio nostro infligendis poenis, ut præsentibus nostras literas in suis Ecclesiis, quæ in illis Civitatibus, vel Diocesis constitutæ sunt, in quibus Hebræi, vel alii Infideles moram trahunt, quamprimum ad eos perlatæ fuerint, & deinde singulis annis initio qua-

Pontifex iste approbat, & innovat dictas Constitutiones Pauli IV., & Pii V.

Publicetur hæc Constitutio singulis annis initio Quadragesimæ.

A

qua-

Contraveni-  
tiam ponit.

quadragesimalis jejunii publicent, aut pu-  
blicari faciant.

§.5. Et quia si quis post earum publica-  
tionem, etiam quomodolibet exemptus,  
ac cujuscumque status, gradus, ordinis,  
conditionis, & præminentie existens ad-  
versus illa facere ausus fuerit, sacramenta  
ei ecclesiastica nullatenus ministrantur, nec  
etiam a regularibus exemptis, & sic de-  
cens ecclesiastica careat sepultura, quæ  
quidem omnia Parochi agrotantibus signifi-  
care apto tempore non omittant, præser-  
tim cum Judæorum, vel Infidelium Medi-  
cum ab eis admittum esse cognoverit, &  
alias ipsi locorum Ordinarii contra hujus  
mandati transgressores debita animadver-  
sione procedant, Judæosque ipsos nihilomi-  
nus juxta Pauli, & Pii Pontificum prædicto-  
rum literas contra illos editas pro earum  
transgressione puniant.

Clausula de  
rogatoria.

§.6. Non obstantibus Constitutionibus,  
& Ordinationibus Apostolicis, ac omnibus  
illis, quæ eidem Paulus, & Pius in suis liti-  
ris prædictis voluerunt non obstat, privile-  
giis quoque, indultis, & literis Apostolicis  
quibusvis personis, etiam regularibus, pri-  
vilegiatis, & exemptis, eorumve Ordini-  
bus, & Congregationibus, sub quibuscum-  
que tenoribus, & formis, etiam Mari ma-  
gno, seu Bulla aurea nuncupata, ac cum  
quibusvis clausulis, & decretis, in genere  
vel in specie, ac alias in contrarium quo-  
modolibet concessis, approbatis, & inno-  
vatis; quibus omnibus, etiam de illis, eor-  
umque totis tenoribus, & formis, specialis,  
specifica, expressa, & individua mentio,  
seu quavis alia expressio habenda, aut ali-  
qua alia exquæ sita forma ad hoc servanda fo-  
ret, illorum tenores, ac si de verbo ad ver-  
bum nihil penitus omisso, & forma in illis  
tradita observata, inserti forent præsen-  
tibus, pro sufficienter expressis habentes, illis  
alias in suo robore permanentibus, hac vice  
dumtaxat specialiter, & expresse derogamus,  
contrariis quibuscumque. Seu si ali-  
quibus committer, vel divisim, ab Apo-  
stolica sit Sede indultum, quod interdicti  
suspendi, vel excommunicari non possint  
per literas Apostolicas non facientes ple-  
nam, & expressam, ac de verbo ad verbum  
de indulto hujusmodi mentionem.

Fides transi-  
porum.

§.7. Et quia difficile foret, easdem præ-  
sentes ad singula quæque loca deferri, vo-  
lumus, & declaramus, quod earum tran-  
sumptis, etiam impressis, & manu alicuius  
Notarii publici subscriptis, & sigillo ali-  
cujus personæ in dignitate ecclesiastica con-  
stituta munitis, eadem prorsus fides ubi-  
cumque habeatur, quæ præsentibus habe-  
retur, si forent exhibitæ, vel ostensæ.

D. P. An.X.  
30. Maii.

Datum Romæ apud Sanctum Petrum,  
sub annulo Piscatoris, die trigesima Maii,  
millesimo quingentesimo octuagesimo pri-  
mo, Pontificatus nostri anno X.

De auctoritate Archiconfraternitatis B. Ma-  
riæ Virginis Consalonis de Urbe, quos-  
cumque Christianos S.R.E. ditioni sub-  
jectos, piorum elemosynis perquisitis,  
ab Infidelium captivitate liberandi. Duos-  
que carceratos, in festo ejusdem B. Ma-  
riæ, & in ejus honorem, anno quolibet  
liberandi.

Alia de hac Sodalitate, dixi ad hujus Pont.  
Constit. LVII. Pastoris, Tom. IV. Par. III.  
fol. 319.

GREGORIUS EPISCOPUS  
SERVUS SERVORUM DEI

Ad perpetuam rei memoriam.

CHRISTIANA Nobiscum Religionis confort-  
tes, gravi captivitate, & servitutis  
jugo a Christiani nominis hostibus oppres-  
sos, durisque operibus quotidie vexatos,  
immensa S. Matris Ecclesiæ clementia pie  
miseratur, eorumque afflictiones, suis ad  
miserordiarum Patrem, & totius consola-  
tionis Deum, devotis precibus adjuvare,  
atque in aliorum Christianorum memoriam,  
in mysticis maxime, & ad purificandas fide-  
lium mentes sanctius institutis diebus, re-  
vocare non intermitit. Quod clemens pie  
Matris officium Nos quoque admonet, ut  
miserorum Captivorum arumnis succurra-  
mus, fratrumque charitatem ad idem, quan-  
tum in Nobis est, excitemus, ne languen-  
te paulatim extremis malis consuetate  
carnis infirmitate, & hoste diabolo, se in-  
firmis, & verbi Dei prædicatione, sacrifi-  
ciorum, & sacramentorum solatio destitu-  
tis eorum mentibus insinuante, despera-  
tioni succumbentes, ad susceptæ in bap-  
tismo Fidei desertionem inducantur, tandem-  
que, cum nulla, siquam habebant, subsidii  
spes appareat, ad æternam redemptionem  
pretioso Domini nostri Jesu Christi sangui-  
ne animarum perditionem misere perdu-  
cantur.

Christianos  
apud infideles  
Captivorum  
mala hic Pô-  
tiffex deplorat

§.1. Quare ne hujusmodi, quæ toto ani-  
mo horrescimus, accidant, neve in qua re  
sacris rebus, & pretiosis vasis non parcurit,  
& in qua a Deo acriter interrogamur, cur  
tot captivi in captivitate ducti sunt, nec  
redempti, negligentes diutius fuisse, aut  
quicquam pretiosius, quam animas ipsas  
habuisse arguamur, quando nostra, & Se-  
dis Apostolicæ auctoritate redimendorum  
Captivorum opus in alia jamdiu loca est dif-  
fultim, illud quoque in Alma Urbe nostra  
constituere decrevimus, ad quod etiam in-  
gemiscentium Captivorum matrum, alio-  
rumque propinquorum lamentis, & lacry-  
mis quotidie urgemur, eorum maxime,  
qui nostræ, & dictæ Sedis temporali ditioni  
subiecti, ut ipsi tutelam primum, & in ma-  
ri nostro Tyrrheno, & Adriatico securita-  
tem, sic post vincula liberationem quoque  
a Nobis jure suo exposcere videntur. Quibus  
omnibus valde ad hoc opus sollicitati, cum  
adimenta Nobis ad illud requiremus, in di-  
lectos filios Custodes, & Confratres Archi-

Et ad eorum  
liberationem,  
& redemptio-  
nem, qui sunt  
de Statu Ec-  
clesiastico.

con-

Archiconfra-  
ternitatem  
Cosalonis de-  
putat.

Confraternitatis Gloriosissimæ Virginis Ma-  
riæ Consalonis nuncupatæ de dicta Urbe,  
quos huic operi præferemus, mentem  
nostram intendimus; de quorum insigni  
Christiane pietatis affectu confisi, qui No-  
bis, cum ob præstitam in Ecclesiæ Archi-  
confraternitati prædictæ unitarum divi-  
no cultu, & conservando, & augendo,  
inopibusque dotandis, & locandis puellis,  
necnon pauperibus, aliisque variis casibus  
afflictis, multos annos in Urbe operam,  
tum etiam dilecti filii nostri Julii Antonii  
S. Bartholomæi in Insula Presbyteri Cardi-  
nalis S. Severinæ nuncupati, testimonio No-  
bis satis innotescit.

§.2. Motu igitur proprio, & ex certa  
scientia, necnon matura deliberatione no-  
stra, deque Apostolicæ potestatis plenitudi-  
ne, onus hoc universum, quod magnum  
esse intelligimus, cura, & sollicitudini Archi-  
confraternitatis prædictæ in perpetuum  
imponimus, ad hoc, ut ipsa Archiconfra-  
ternitas, illiusque Custodes, & Confratres  
pro tempore existentes, quoscumque Chri-  
stifideles dictæ Urbis, ac Provinciarum,  
Civitatum, Terrarum, & locorum nostræ,  
& dictæ Sedis temporali ditioni mediate,  
& immediate subiectorum, ubicumque cap-  
tos conquirant, ex infidelium servitute re-  
dimant, eaque de causa in omni loco dictæ  
ditioni nostræ, ut præfertur, subiectos,  
elemosynas, & oblata quæcumque que-  
rant, & accipiant, collectores probos, &  
ad charitatis officium exercendum propen-  
sos, ac alias ad id ab Ordinariis locorum  
approbatos, quotquot necessarii fuerint,  
servata forma Concilii Tridentini consti-  
tuant; qui elemosynas, oblationes, lega-  
ta, & quæcumque alia subsidia, tam in di-  
cta Urbe, quam in quibusvis Provinciis,  
Civitatibus, Oppidis, Castris, & locis ipsi  
ditioni, ut supra, subiectis, pro hujusmo-  
di redemptione, & causis ad eam pertinen-  
tibus perquirant, pecuniarum inde conge-  
rendas, penes publicum mercatorem fide-  
& facultatibus idoneum deponant, donec  
ille in redemptionem Captivorum hujus-  
modi, arbitrio ipsorum Custodum, & Con-  
fratrum erogentur; ita tamen, ut de aliis  
ipsius Archiconfraternitatis redditibus ad  
alios pios usus, juxta illius laudabilia insti-  
tuta destinatis, nihil omnino detrahatur.

Præstat Cõ-  
fraternitas Re-  
demptionis cu-  
tam suscipiat.

§.3. Itaque Custodes, & Confratres præ-  
dictos, necnon omnes utriusque sexus Chri-  
stifideles per redemptionis nostræ Sacramen-  
tum omni cordis affectu obtestamur, ut ejus  
membris laborantibus, & oppressis compati  
non negligant, qui pro omnibus pari ipse  
dignatus est. Custodes siquidem, & Con-  
fratres, ut cum nostræ benedictionis gratia  
redemptionis Captivorum causam prompto  
animo suscipiant, seque ad salutem anima-  
rum in Infidelium potestate periclitantium  
ferenter exercent, ac tam ipsi, quam alii  
Christifideles nascenti huic operi semper,  
& ubique faveant, piisque largitionibus pro-  
sequantur, centuplum in æternis cœli ta-  
bernaculis feliciter recepturi.

§.4. Insuper universis & singulis Archie-  
Bull. Rom. Tom. IV. Par. IV.

piscopis, Episcopis, & aliis Ecclesiarum  
Prælati, necnon Rectoribus Parochialium,  
& aliarum Ecclesiarum, eorumque Vicariis,  
ac ceteris ordinis Ecclesiastici personis secu-  
laribus, & etiam Mendicantium regulari-  
bus in quacumque dignitate Ecclesiastica  
constitutis ditionis prædictæ injungimus,  
ut quotiescumque pro parte Custodum, &  
Confratrum prædictorum, seu alicujus eor-  
um fuerint requisiti, laudabile hoc opus  
per se, vel alium, seu alios, etiam adhi-  
bitis verbi Dei Concionatoribus, in suis  
quisque Ecclesiis, plateis, & locis, & ubi-  
cumque opus erit, omnibus Christifidelibus  
publicent, atque denunciant, ipsosque ad  
illud omni studio, & charitate ad elemo-  
synas, oblationes, & legata prædicta cer-  
tatim conferenda, omni studio, & charita-  
te accedant, ut miseris, & afflictis captivis,  
quorum animarum periculum imminet, copio-  
sius succurratur.

1581.  
Ordinarii, &  
alii faveant  
Confraterni-  
tati.

§.5. Ceterum, ut pium hoc opus salu-  
bribus institutis directum felicia in dies su-  
scipiat incrementa, Custodibus, & Con-  
fratribus prædictis licentiam tribuimus, ut  
ad factum, & incolumem statum ipsius ope-  
ris rite, atque ordine constituendum quæ-  
cumque statuta, ordinationes, & decreta  
licita, & honesta, sacrisque canonibus,  
Conciliique Tridentini decretis non contra-  
ria, & a nostro in Urbe in spiritualibus Vi-  
cario approbanda condere, ac condita, quo-  
tiescumque opus erit, mutare, & corrigere,  
& etiam omnino, vel in parte abrogare,  
aliaque, ut præfertur, approbanda, de  
novo edere, ac cetera gerere, exequi, &  
exercere, quæ in præmissis necessaria fue-  
rint quomodocumque, & opportuna.

Facultas So-  
cietatis con-  
dendi statu-  
ta &c.

§.6. Decernentes presentes, ac omnia  
in eis contenta perpetuo inviolata consiste-  
re; Sicut per quoscumque Judices ordina-  
rios, & delegatos, etiam causarum Palatii  
Apostolici Auditores, ac S. R. E. Cardina-  
les, sublata eis quavis aliter judicandi, &  
interpretandi facultate, ubique judicari, &  
definiri debere, necnon irritum, & inane  
quidquid contra illas per quoscumque scienter,  
vel ignoranter contigerit attentari.

Clausula præ-  
servativa, &  
Decretum ir-  
ritans.

§.7. Quocirca Venerabilibus fratribus  
nostris Hostien., & Bononien., ac Perusin.  
Episcopis per Apostolica scripta Motu si-  
mili mandamus, ut ipsi, vel duo, aut unus  
eorum, per se, vel alium, seu alios, præ-  
sentes literas, & in eis contenta quæcum-  
que, ubi, & quando opus fuerit, ac quo-  
ties pro parte Custodum, ac Confratrum  
præfatorum, seu alicujus eorum fuerint re-  
quisiti, solemniter publicantes, eisque in  
præmissis efficacis defensionis præsidio assi-  
stentes, faciant auctoritate nostra ipsas li-  
teras, & in eis contenta quæcumque, ab  
omnibus semper ubique firmiter observa-  
ri, ac Custodes, Confratres, & Collecto-  
res prædictos, ceterosque omnes, quos li-  
tera ipse concernunt, illis pacifice frui,  
& gaudere; non permittentes quempiam  
ipsorum desuper molestari, contradicentes  
quoslibet, & rebelles per censuras, & pœ-  
nas Ecclesiasticas, aliaque opportuna juris,  
& fa-

Executorum  
deputatio.

Claufule derogatorie.

§.8. Non obstantibus fel. rec. Bonifacii Papæ VIII. Prædecessoris nostri de una, & Concilio generali edita de duabus dietis, dummodo ultra tres dietas aliquis auctoritate præsentium, ad iudicium non trahatur, aliisque Apostolicis Constitutionibus, Conciliis quoque universalibus, etiam facultatum quæstionum revocatoris, necnon prohibitionibus defuper factis, ac Ecclesiarum, Monasteriorum, Hospitalium, piorum locorum, Collegiorum, & aliarum Confraternitatum, necnon Sanctissimæ Trinitatis Redemptionis Captivorum, & B. Mariae de Mercede, aliorumque Ordinum quorumcumque juramento, confirmatione, Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, illis, eorumque Superioribus, & personis, ac cum quibusvis etiam derogatoriis, aliiisque efficacioribus, & insolitis clausulis, necnon irritantibus, & aliis decretis in genere, vel in specie, etiam ad Imperatoris, Regum, Reginarum, aliorumque Principum instantiam, aut etiam motu, scientia, & potestatis plenitudine similibus, ac etiam consistorialiter, & alias quomodolibet concessis, approbatis, & innovatis, quibus omnibus, etiam si de illis, eorumque totis tenoribus specialis, specifica, expressa, individua, & ad verbum, non autem per clausulas generales idem importantes mentio, seu quævis alia expressio habenda; aut aliqua alia exquisita forma ad hoc servanda foret, tenores huiusmodi pro plene, & sufficienter expressis habentes, illis alias in suo robore permanentibus, hac vice dumtaxat specialiter, & expresse derogamus, contrariis quibuscumque, aut si aliquibus communiter, vel divisim ab eadem sit Sede indultum, quod interdici, suspendi, vel excommunicari non possint per literas Apostolicas non facientes plenam, expressam, & ad verbum de indulto huiusmodi mentionem.

Transumptorum fides.

§.9. Volumus autem, ut earumdem præsentium transumptis, etiam impressis, & sigillo personæ in dignitate Ecclesiastica constituta, vel dictæ Archiconfraternitatis munitis, manuque ejusdem Archiconfraternitatis, vel alterius Notarii publici subscriptis, eadem prorsus fides ubique in iudicio, & extra illud adhibeatur, quæ ipsis præsentibus adhiberetur, si essent exhibitæ, vel ostense. Nulli ergo &c.

D. P. An. X. 22. Maii.

Datum Romæ apud Sanctum Petrum anno Incarnationis Dominicæ millesimo quingentesimo octuagesimo primo, quinto Kalendas Junii, Pontificatus nostri Anno Decimo.

Sequitur Indultum liberandi Carceratos, de quo in rubrica.

GREGORIUS PAPA XIII.

Ad perpetuam rei memoriam.

§.10. CUM alias fel. rec. Julius Papa III. Prædecessor noster dilectis filiis Custodibus, & Confratribus Archiconfraternitatis Consalonis de Urbe, ut ad laudem, & honorem B. Mariæ semper Virginis, in ejus Assumptionis festo unum carceribus detentum, etiam si talis ultimo supplicio plestendus veniret, ad illorum electionem annis singulis extrahere, & liberare valerent, indulsit.

Julius III. anno primo sui Pontificatus, indultum de die liberandi unum carceratum.

§.11. Et deinde piæ mem. Pius Papa IV. etiam Prædecessor noster, ut huiusmodi Indultum majorem obtineret roboris firmitatem, illud, ac in eo contenta quæcumque approbaverit, & confirmaverit, ac perpetuæ firmitatis robur adiecerit, necnon, quatenus opus esset, Custodibus, & Confratribus prædictis ea omnia de novo concesserit, prout in supplicationibus, Motu proprio eorumdem Prædecessorum signatis, quorum solam signaturam ipsi Julius, & Pius Prædecessores sufficere respective voluerunt, plenius continetur.

Pius IV. anno etiam sui Pontificatus, illud confirmavit.

§.12. Cum autem, sicut exhibita Nobis nuper pro parte Custodum, & Confratrum prædictorum petitio continebat, licet ipsi in possessione excarcerandi, & liberandi huiusmodi abinde circa fuerint, & sint, ac elemosynam, quam liberandus huiusmodi ipsi Archiconfraternitati offerre, & dare vellet, in eisdem Archiconfraternitatis usus convertere possint, tamen quia nuper Nos per quasdam nostras sub plumbo expeditas literas onus universonum, quod magnum esse intelleximus, redimendi captivos curæ, & sollicitudini dictæ Archiconfraternitatis in perpetuum Motu proprio imposuimus &c., ut supra.

Hic Pontifex dedit auctoritatem redimendi captivos, ut in præmissa Constitutione.

§.13. Volentes ipsi Custodes, & Confratres, totoque cordis affectu exoptantes, onus huiusmodi eis per Nos impositum, quod libenter acceptarunt, juxta nostram voluntatem, & dictas literas exequi, & totali executioni nunc, & in omnibus redimendi dictos captivos, occurrentibus necessitatibus, demandare; sed cum ad id faciendum quamplurimum Christianifidelium, elemosynæ sint necessariæ, & ipsi sperent ex nunc in carceribus dictæ Urbis detentis, & pro tempore detinendis, aliquam elemosynam habere, & illam in redimendos captivos præfatos convertere parati sint, si in eis non solum unum, sed duos carceratos, & pro quocumque crimine, ( præterquam læsæ Majestatis, & assassiniæ, ac propinati veneni, necnon falsificationis literarum, supplicationum, commissionum, & aliarum gratiarum Apostolicarum, vel monetæ ) in dictis carceribus existentes, & ad trirèmes, ac etiam ultimo supplicio condemnatos liberandi quolibet anno in perpetuum eis, ac dictæ eorum Archiconfraternitati licentia, & auctoritas per Nos concedantur.

Modo hic idem Pontifex pro hujus operis subventione.

§.14. Nos

Indultum liberandi duos carceratos, recepta ab eis aliqua elemosyna, concedit.

§.14. Nos Custodes, & Confratres huiusmodi, in præmissis tam sanctis, & laudabilibus operibus confovere, ac eos, & ipsam Archiconfraternitatem amplioribus favoribus, & gratis prosequi volentes, motu simili, & ex certa scientia nostra, ac de Apostolica potestatis plenitudine, præmissa in dictis supplicationibus motu proprio contenta, Apostolica auctoritate tenore præsentium perpetuo confirmamus, & approbamus, illisque nostrum, & dictæ Sedis firmitatis perpetuæ robur adjicimus, ac ea omnia, & singula, ad hoc, ut ipsi Custodes, & Confratres, quolibet anno perpetuis futuris temporibus non solum unum, sed duos carceratos, & pro quocumque crimine, & delicto quantumcumque gravi, & enormi, (supradictis exceptis) in dictis carceribus detentos, & detinendos, & ad trirèmes, & etiam ultimo supplicio condemnatos, ac condemnandos, in vigilia dicti festi excarcerare, liberare, & absolvere, libere, & licite valeant, qui eo ipso absoluti sint, & esse censentur a quibusvis aliis criminibus ( præterquam prædictis exceptis ) auctoritate, & tempore prædictis etiam perpetuo harum serie extendimus, & ampliamus, ac eis, & d. Archiconfraternitati similiter perpetuo concedimus, plenamque, & liberam semper licentiam, & facultatem impartimur.

Officialer omnes illud observent.

§.15. Mandantes dilectis filiis, dictæ Urbis Gubernatori, Senatori, Curia causarum Camera Apostolica generali Auditori, & Vicario, aliisque Judicibus, & Carcerum Custodibus, nunc, & pro tempore existentibus, ac eorum cuilibet, quatenus visis præsentibus, omni mora, & dilatione, & excusatione postpositis, eisdem præsentibus pareant, & obediant, ac illas observent, & observari faciant realiter, & cum effectu.

Quibuscumque non obstantibus.

§.16. Non obstantibus præmissis, ac omnibus illis, quæ dicti Prædecessores nostri in eisdem motu proprio, & supplicationibus motu proprio, voluerunt non obstatere, ceterisque contrariis quibuscumque.

D. P. An. XII. 16. Julii.

Datum Romæ apud S. Marcum, sub annulo Piscatoris, die vigesima sexta Julii, millesimo quingentesimo octuagesimo tertio, Pontificatus nostri anno decimo secundo.

CXXXI.

De Judæorum, aut Infidelium flagitiis, in quæ hæreticæ pravitatis Inquisitores animadvertere possunt. Ad hoc facit Const. II. Nicolai IV. Turbato Tom. III. Par. II. fol. 52. Et de materia Judæorum notavi in Paul. IV. Const. IV. Cum nimis Tom. IV. Par. I. fol. 321.

GREGORIUS EPISCOPUS SERVUS SERVORUM DEI.

Ad futuram rei memoriam.

Antiqua Judæorum improbitas, qua diviniæ bonitati semper resistunt, tanto execrator consistit in filiis, quanto ipsi ad cumulandam patrum suorum mensuram in Dei filio repudiando, ejusque in mortem

Judæi qui pro eorum conversione in gremio S. R. E. recipiantur, audent in

nefarie conspirando, gravius deliquerunt, qui propterea suis effecti majoribus nequiores, propriis sedibus expulsi, atque in omnes dispersi orbis terrarum regiones, servitutique perpetuæ mancipati, non majorem in cuiusquam ditione clementiam, quam in Christianorum Provinciis, maxime vero in Apostolica pietatis gremio invenerunt; quæ pro eorum conversione laborans, eos misericorditer excepit, atque in cohabitatione una cum filiis suis sustinuit, ad veritatisque lumen allicere pio semper studio conata est, rebusque ad vitam necessariis juvit, injuriis, & contumeliis prohibuit, multis denique beneficentiæ suæ privilegiiis circummuniavit; illi vero nullis beneficiis mansuefacti, nihilque de suo pristino scelere remittentes, Dominum nostrum JESUM Christum in celo triumphantem adhuc in synagocis suis, & ubique persequuntur. Christi quoque membris insensibilissimi non desunt in Religionem Christianam horrenda facinora quotidie magis audere.

Religionem Christianam, multa nefanda committere.

§.1. Quibus nos, ne pietatis nostræ puritas polluat, aut a sedis mancipii Christo, Christianorumve nomini impune illudatur, obviare volentes, statimus, ac etiam declaramus, Inquisitores hæreticæ pravitatis libere procedere posse in omnibus causis, & casibus, qui sequuntur.

Hic ideo Pontifex decernit, quod Judæus, & infidelis, negans, quæ communia habet circa fidem cum Christianis.

§.2. Si quis Judæus, aut infidelis, in iis quæ circa fidem cum illis nobis sunt communia, veluti Deum unum, & æternum, omnipotentem, creatorem omnium visibilium, & similia, non esse asseruerit, prædicaverit, vel privatim alicui insinuaverit.

Dæmones invocans, & illis immolans.

§.3. Si dæmones invocaverit, confu- lueritve, aut eorum responsa acceperit, ad illosve sacrificia, aut preces ob divinationem, aliamve causam direxerit, aut quid eis immolaverit, vel thuris alteriusve rei fumigationes obtulerit, aut alia quævis impietatis obsequia præstiterit.

Christianos nefaria illa docens.

§.4. Si Christianos verbo, facto, vel exemplo, aut alio quovis modo nefaria huiusmodi docuerit, vel ad ea perpetranda perduxerit, aut perducere attentaverit.

Blasphemias, quæ circa Christum, & ejus Matrem profertur.

§.5. Si Salvatorem, & Dominum nostrum Jesum Christum purum hominem, vel etiam peccatorem fuisse, Matremve Dei non esse Virginem, & alias huiusmodi blasphemias, quæ per se hæreticæ dici solent, in Christianæ fidei ignominiam, contemptum, aut corruptionem impie protulerit.

Christianos a fide devians.

§.6. Si cuiusvis eorum opera, auxilio, consilio, vel favore aliquis Christianus a Fide desciverit, quamque semel susceperat, abnegaverit, vel ad Judæorum, seu aliorum infidelium ritus, caeremonias, superstitiones, vel impias sectas transferit, vel redierit, seu in hæresim aliquam incidit, aut qui, ut Christi fidem abneget, seu in hæresim incidat, opem, consilium, auxilium, vel favorem quomodocumque præstiterit.

Infidelis ad fidem Christi transire impediens.

§.7. Si quis Cathecumenum, vel quemcumque ex Judæis, aut infidelibus Deo inspirante ad fidem Christianam venire volentem, post declaratum nutu, verbo, facto, aut

aut quocumque alio modo ejus voluntatem, a Fide, vel Fidei instructione, aut a sacri Baptismi susceptione retrahere, vel dehortari, aut ne ad Fidem veniat, neve regenerationis lavacro abluatur, quovis modo impedi- verit.

*Hæreticos scienter receptans, vel auxilians.*

§.8. Si quis apostatas, hæreticos scienter domi suæ acceptaverit, aluerit, com- meatu juverit, seu quovis modo eis cibaria ubicumque præbuerit, aut dona, vel mune- ra dederit, vel miserit, aut de loco ad lo- cum deduxerit, seu associaverit, vel dedu- cendos, seu associandos curaverit, aut sum- ptus ministraverit, duces, comitesve illis adjunxerit, vel ne ab eis perpetrata depre- hendi, aut investigari queant, fecerit. Qui- que dictos apostatas, aut hæreticos scienter aliquo modo receptaverit, occultaverit, defenderit, aut eis opem, consilium, auxi- lium, vel favorem quomodolibet præsti- terit.

*Libros prohibitos retinens.*

§.9. Si libros hæreticos, vel thaludicos, aut alios Judaicos quomodolibet dam- natos, aut alias prohibitos tenuerit, custo- dierit, vel divulgaverit, vel in quæcumque loca detulerit, aut ad eam rem operam suam accommodaverit.

*Hostiam Altaris despiciens, aut Crucem, desiderans, &c.*

§.10. Si Christianos deriserit, redem- ptionisque nostræ hostiam salutarem in ara crucis immolatam, Christum Dominum ludibrio, & despectui habens, quandocum- que maxime vero in sacro parasceves die, agnum, sive ovem, aut quid aliud cruci af- fixerit, aut appenderit, in eamve conspuerit, seu quocumque contra ipsam fecerit.

*Nutrices Chri- stianas habens sine eas coges lac in latrinas effundere.*

§.11. Si nutrices Christianas contra Sa- crorum Canonum statuta, diversorumque Romanorum Pontificum Prædecessorum, nostrorum sanctiones adhuc retinuerit; aut eas retinens die, qua sanctissimum Eucharis- ticæ Sacramentum sumpserint, lac, uno, vel pluribus diebus in latrinas, cloacas, vel alia loca effundere coegerit.

*Confonet In- nocentium IV.*

§.12. In quibus casibus, universis, & sin- gulis omnes prædictæ pravitatis Inquisito- res omnium Regnorum, Provinciarum, Civi- tatum, Dominiorum, & locorum univer- si orbis Christiani Judices in suis quemque locis perpetuo delegamus, ut super his con- tra Judæos, atque infideles quoscumque, si- mul, vel separatim, prout in causis Fidei juxta sacrorum Canonum formam, necnon officii Inquisitionis hujusmodi constitutio- nes, diligenter inquireant, & procedant, & quos in aliquo, vel aliquibus horum flagi- tiorum excessibus culpabiles repererint, in eos pro culpæ modo, ac etiam pro crimi- num numero, vel multiplicatione, aut con- suetudine delinquendi, flagra, remigia, etiam perpetua, rerum quoque publicatio- nes, exilia, aliaque atrociora decernant, & alias de eis exempla edant, quæ sceleratos illos deterreant ab hujusmodi flagitiis in po- sterum admittendis.

*Præceptum publicandi hæc Condit.*

§.13. Nos enim venerabilibus Fratribus nostris S. R. E. Cardinalibus Inquisitoribus generalibus, necnon Patriarchis, Archie- piscopis, Episcopis, & aliis locorum Præla- tis, ac etiam aliis prædictis Inquisitoribus

in virtute sanctæ obedientiæ districte præci- pimus, & mandamus, ut præsentis nostras literas in Civitatibus, & locis cuique subje- ctis publicare, & juxta illarum tenorem pro- cedere, ipsasque debitæ executioni mandare procurent.

*Decretum it- ricanum.*

§.14. Decernentes irritum, & inanè quicquid fecus per quoscumque, scienter, vel ignoranter contigerit attentari.

*Claufula de- rogatoria.*

§.15. Non obstantibus Constitutioni- bus, & Ordinationibus Apostolicis, necnon exemptionibus, privilegiis, immunitatibus, commeatibus, in fidem publicam receptio- nibus, & tolerantibus, prædictis Judæis, & aliis infidelibus, Maranis, & Apostatis, tam in Dominiis, Terris, & locis Nobis, & Sedi Apostolicæ, mediate, vel immediate subje- ctis, quam alibi ubicumque Regnorum, Pro- vinciarum, & Dominiorum, gentium, & locorum commorantibus, vel in ea ex qui- busvis Regnis, & partibus, tam fidelium, quam infidelium confluentibus, eorumque Judicibus, Advocatis, & defensoribus, qua- cumque auctoritate, potestate, & dignitate fungantur, etiam ad instantiam Imperato- ris, Regum, Ducum, & quorumvis aliorum, Principum tam per sel: rec: Paulum III. Decimo Kal. Martii, & Julium etiam III. Non. Decembris, Tertio anno sui cuiusque Pon- tificatus, quam etiam quoscumque alios an- teriores, & posteriores Romanos Pontifices, ac Nos, & Sedem Apostolicam, ejusque Le- gatos, ac etiam Cameram Apostolicam, sub quibuscumque tenoribus, & formis, ac cum quibusvis claufulis, & decretis, etiam Motu proprio, & alias quomodocumque hætenus concessis, confirmatis, & innovatis, atque in posterum concedendis, confirmandis, & innovandis, quæ omnia, etiam si de illis, illorumque totis tenoribus, specialis, spe- cifica, expressa, & individua mentio, aut aliqua alia forma ad hoc servanda foret, te- neres hujusmodi, acsi ad verbum infererentur præsentibus, pro plene expressis habentes, harum serie specialiter, & expresse re- vocamus, abrogamus, & omnino abolemus; ceterisque contrariis quibuscumque.

*Jussio publi- candi, & ex- emplis credendi.*

§.16. Volumus autem præsentis in lo- cis Urbis consuetis de more publicari, & earum exemplis etiam impressis, manu No- tarii publici, & sigillo Sanctæ Romanæ, & universalis Inquisitionis, vel personæ in- dignitate ecclesiastica constitutæ munitis, eandem prorsus fidem ubique tam in judi- cio, quam extra illud adhiberi, quæ adhi- beretur eisdem præsentibus, si essent exhibi- tæ, vel ostense. Nulli ergo omnino &c.

*D. P. An. X. 2. Junii.*

Datum Romæ apud S. Petrum, Anno Incarnationis Dominicæ, millesimo quin- gentesimo octuagesimo primo, Kalend. Ju- nii, Pontificatus nostri anno decimo.

*Anno a Nativitate Domini 1581. in d- ctione 9. die vero 10. mensis Junii, Pontifi- catus Sanctissimi in Christo Patris, & D. N. D. Gregorii divina providentia Papa XIII. Anno X., retrospectiva litera Apostolica aff- xa & publicata fuerunt ad valvas Ecclesie S. Joannis Lateranen. Basilica Principis Apostolorum de Urbe, Cancellaria Apostoli-*

*ca.*

*ca., & in acie Campi Floræ, ac etiam ad val- vas septi Hebræorum, per Nos Petrum Aloy- sium Gaytam, & Nicolaum Tagliettum Apo- stolicos Cursores.*

*Antonius Ludovicus Magister Curs.*

CXXXII.

Furnarii Urbis, pro pretio Panis, in causis discussionum, ceteris aliis creditoribus præferantur. Et omnes Judices Urbis, in eorum litibus manu regia procedere possint.

*Et quoad prælationem in discussione seu con- cursu creditorum, vide Constit. XXIV. Pii V. Tom. IV. Par. II. fol. 213. Cupientes, & qua tibi illic indicavi.*

GREGORIUS PAPA XIII.

*Ad perpetuam rei memoriam.*

*Causa Contri- tionis.*

Cum sicut accepimus, dilecti filii Pisto- res Almae Urbis nostræ, ut plurimum, panem, & furfur in eorum apothecis pro tempore existentia diversis personis dictæ Urbis incolis ad credentiam, ut vocant, dare soliti sint, & pro illorum pecuniis inde recuperandis, tam ab ipsis personis, quam etiam defunctarum personarum hujusmodi hæreditibus lites suscipere, & judicia move- re, non sine maximis eorum impensis, & laboribus cogantur; ac etiam sæpe contin- gat, ut ipsis personis dejectis, sive defunctis, eorum bonorum, & hereditatum discussio- ne facta, bona, seu hæreditates ipsæ ad om- nia eorum debita satisfaccionem minime suffi- ciant; ipsique Pistorum, quamvis eorum pa- nes inter res cibarias fere præcipuum, & magis necessarium locum obtineant, & jux- ta Constitutionem sel: rec: Pii Papæ V. Præ- decessoris nostri super ordine in satisfaccione creditorum Sanctæ Romanæ Ecclesie Car- dinalium, & aliorum Romanæ Curie Præ- latorum servando editam, in priori causa connumerari videantur, tamen sæpe, tam- quam vigore dictæ Constitutionis in prima causa hujusmodi minime comprehendi, sed ut posteriores eorumdem bonorum, seu hæ- reditatum creditores eorum creditis frustra- ti remaneant, in maximum eorum, qui gra- na a Camera Apostolica per eos pro tem- pore acceptum, via executiva, & manu re- gia solve coguntur, damnum & præjudi- cium. Unde quamplures ex ipsis Pistoribus eorum creditis sic frustrati, & aliena fide- decepti, & deterioris conditionis effecti, eorum Pistorum artem deserere, ac etiam ali- quando ab eadem Urbe, ne pro debitis suis exolvendis in carcerem detrudantur, & in eo marcescant, recedere coguntur.

*Furnarii Ur- bis in causis discussionum, ceteris credi- toribus præ- ferri debent.*

§.1. Nos igitur pro nostri pastoralis of- ficii debito in præmissis opportune provide- re volentes, Motu proprio, & ex certa no- stra scientia, modernis, & pro tempore exi- stentibus dictæ Urbis Pistoribus, ut de cete- ro perpetuis futuris temporibus, in omni- bus & singulis bonorum, & hereditatum- quarumvis personarum, etiam cuiuscumque dignitatis, gradus & conditionis existen- tium, coram quibusvis Judicibus dictæ Ur-

bis, tam ordinariis, quam delegatis, & sub- delegatis pro tempore faciendis discussioni- bus, etfi earundem personarum potiores, & priores creditores non fuerint, in priori, & potiori loco, sive gradu, primaque causa in eadem Constitutione contenta, nempe pro pane tantum haberi, & teneri debeant, ce- terisque aliis personis ratione tantum pecu- niarum eis occasione panis debitaram in si- milibus causis discussionis præferri possint, & debeant, Apostolica auctoritate tenore præsentium concedimus, & indulgemus.

*Omnesque Judices Ur- bis in eorum causis manu Regia proce- dere possint.*

§.2. Et insuper pro minori eorumdem Pistorum dispendio, in omnibus, & singu- lis eorum causis, litibus, controversiis, & differentiis, occasione panis hujusmodi de cetero movendis, illarum omnium Judices quoscumque dictæ Urbis, prout etiam in li- teris præ mem: Julii Papæ III. etiam Præde- cessoris nostri confirmationis statutorum, ac ampliacionis jurisdictionum, & privile- giorum ejusdem artis, quas, quatenus opus sit, innovamus, & confirmamus, cum fa- cultate illas, omnes, & singulas summarie, simpliciter, & de plano, ac sine strepitu, & figura judicii, manuque Regia, ac sola facti veritate inspecta, & prout in exactione pecu- niarum pretii grani eisdem Pistoribus ab officialibus ejusdem Camere Apostolicæ pro tempore dati, contra eosdem Pistorum pro- cedi solet, audiendi, recognoscendi, deci- dendi, sineque debito terminandi, & in for- ma inhibendi, omnibusque aliis facultatibus necessariis, & opportunis, similiter perpetuo constituimus, & deputamus.

*Claufula de- rogatoria.*

§.3. Non obstantibus Constitutionibus, & Ordinationibus Apostolicis, necnon dictæ Urbis statutis, & consuetudinibus, etiam ju- ramento, confirmatione Apostolica, vel quavis firmitate alia roboratis; privilegiis quoque, indultis, & literis Apostolicis; quibusvis dictæ Urbis Judicibus, ordinariis, & extraordinariis, ac delegatis, & quibusvis aliis personis, & locis etiam piis sub quibus- cumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis claufulis, irritantibusque, & aliis decretis, in genere, vel in specie, etiam motu simili, & consi- stentialiter, ac alias in contrarium quomo- dolibet concessis, approbatis, & innovatis. Quibus omnibus, etiam si de illis specialis mentio habenda foret, illorum tenores præ- sentibus pro expressis habentes, illis alias in suo robore permanens, hac vice dumtaxat specialiter, & expresse derogamus, ce- terisque contrariis quibuscumque.

*Transumptio- num fides.*

§.4. Volumus autem, quod præsentium transumptis sigillo alicujus personæ in di- gnitate Ecclesiastica constitutæ munitis, & manu alicujus Notarii publici subscriptis ea- dem prorsus fides adhibeatur, quæ adhibe- retur, si præsentis literæ ostense forent.

*D. P. An. X. 23. Novemb.*

Datum Romæ apud Sanctum Marcum, sub annulo Piscatoris die decimo tertio No- vembri, millesimo quingentesimo octua- gesimo primo, Pontificatus nostri anno de- cimo.

Exten-

CXXXIII.

CXXXIV.

Extendit Literas, quibus alias suffulit cen-  
suras, & poenas in Literis Pii V. contra  
agitantes tauros conten. in Hispaniarum  
Regnis, quoad Laicos, & Milites sacris  
ordinibus non initiatos ad Portugallia,  
& Algarbiorum Regna &c.

GREGORIUS PAPA XIII.

Ad perpetuam rei memoriam.

§.1. **E**Xponi Nobis fecit charissimus  
in Christo filius noster Philip-  
pus Hispaniarum Rex Catholicus, quod cum  
Nos alias excommunicationis, anathematis,  
& interdicti, aliarumque Ecclesiasticarum  
sententiarum, & Censurarum poenas in Con-  
stitutione fel: rec: Pii Papae V. Praedecessoris  
nostri adversus eos, qui in eorum locis spe-  
tacula, ubi taurorum, aliarumque ferarum,  
& bestiarum agitationes exercentur, fieri  
permitterent, aut illis quomodolibet inter-  
essent, contentas in eisdem Regis Hispaniarum  
Regnis ad se spectantibus ex certis  
causis nostrum animum moventibus, certis  
modo, & forma sustulerimus, & amoveri-  
mus, prout in nostris desuper confectis liti-  
ris in forma Brevis sub datum 25. Augusti  
1575. Pontificatus nostri anno quarto ple-  
nius continetur: Ipsaque Philippus Rex in  
Portugallia, & Algarbiorum Regnis hujus-  
modi postmodum successerit, & propterea  
desideret literas nostras praedictas ad eadem  
Portugallia, & Algarbiorum Regna, in qui-  
bus eadem causa militat, per Nos extendi,  
& ampliari. Nobis humiliter supplicari fe-  
cit, quatenus in praemissis opportune providere  
de benignitate Apostolica dignaremur.

§.2. Nos igitur ipsius Philippi Regis  
supplicationibus in hac parte inclinati liti-  
ras nostras praedictas, in quibus excommuni-  
cationis, anathematis, & interdicti, alia-  
rumque Ecclesiasticarum sententiarum, &  
censurarum in ipsius Pii V. Praedecessoris  
Constitutione contentas poenas in eisdem  
Hispaniarum Regnis, quoad laicos, & fra-  
tres milites tantum quartumque mili-  
tiarum, etiam praepetorias, & benefici-  
ipularum militiarum pro tempore obtinen-  
tes, dummodo dicti fratres milites Sacris  
Ordinibus initiati non essent, & agitatione-  
tauro:um festis diebus non fiant, sustulimus.  
& amovemus, cum omnibus in eis conten-  
tis clausulis ad Portugallia, & Algarbio-  
rum Regna hujusmodi auctoritate Apostolica  
tenore praesentium extendimus, & am-  
pliamus.

§.3. Non obstant. omnibus, quae in di-  
ctis literis volumus non obstar, ceteris-  
que quibusvis Apostolicis, ac in Provincia-  
libus, & Synodalibus Conciliis contrariis  
quibuscumque. Provisio tamen per eos, ad  
quos spectabit, quod exinde alicujus mors,  
quoad fieri potest, sequi non possit.

Datum Romae apud Sanctum Petrum  
sub annulo Piscatoris die vigesimo tertio  
Decembris, millesimo quingentesimo octua-  
gesimo primo, Pontificatus nostri anno de-  
cimo.

Hortatio ad Christianos fideles, ad subveniendum  
pauperibus Collegii Anglicani Rhemis,  
& ceteris Anglis pro Fide Catholica di-  
spersis.

Hic idem Pontifex jam in Urbe instituit Col-  
legium pro Catholicis Anglis, ac introitus,  
& redditus annuos perpetuos assignavit.  
& privilegia concessit, ut in ejus Con. LXXXI.  
Quoniam Tom. IV. Par. III. fol. 359.

GREGORIUS EPISCOPUS

SERVUS SERVORUM DEI

Universis Christianis fideles praesentes literas in-  
specturis, Salutem, & Apostolicam bene-  
dictionem.

**O**Mnipotens Deus, qui immense mise-  
ricordiae suae effectus sine ullo adjuto-  
re explere potest, plerumque miserorum la-  
boribus per homines subvenit, omniumque  
Dominus servus pietatis officia praestantibus  
ampliora praemia pollicetur. Quae tanta coe-  
lestis Patris benignitas infirmitatis nostrae  
studia maxime accendere debet ad bene de  
calamitosis merendum, ut, & Nos de tali di-  
gnatione, quam possumus, ei gratiam refera-  
mus, & oppressorum subleventur angus-  
tiae, eorum praesertim, qui propter Christum  
tribulationes patiuntur.

§.1. Cum igitur ad Collegium Anglica-  
num, quod Rhemis est, ex Anglia, & aliis  
finitimis regionibus, haereticorum furore  
ejecti, & veluti è faventis tempestatis tur-  
bine naufragi, a dirisque teterrimae mortis  
erepti cruciatibus, ad propiorem, & tutio-  
rem quasi portum quotidie plures, (aliis  
per Gallia, atque Italia, & alias Christiani  
orbis partes dispersis) se recipiant. Cum-  
que crescente, ob grassantem in dies magis  
pestem, exulum numero vitae praesidium,  
quod Collegio praedicto a Nobis compara-  
tum est, quoadque ei pro Anglorum praedi-  
ctorum necessitatibus quotidie suppedita-  
mus, minime satis sit ad tantam multitudi-  
nem sustentandam: Nosque, quibus multis,  
& diversis hujusmodi piis locis subvenien-  
dum est, & ad quos pauperes undique con-  
fugiunt, integros illi sumptus (ut expedi-  
ret, & certe esset in optatis) subministrare  
nequeamus, intimo tangimur dolore cor-  
dis, nationemque illam tanta quondam  
pietate insignem, Sedi Apostolicae gratissi-  
mam, ex prima pietatis tranquillitate in tam  
turbulentam seditionem incidisse, cruenta-  
que impiorum savitiae esse objectam vehe-  
menter excruciamur. Quam quanto for-  
tius in fidei fundamento, & Dei gratia ni-  
tentes perferunt, militiamque Christi, cui  
se obligarunt, tot periculis propositis praesentiori  
tolerant animo, tanto magis paternum,  
& misericordem nostrae in se provocant  
solicitudinis affectum.

§.2. Quare Deum in primis humiliter  
precati, ut illis ad calamitates tot, & tan-  
tas perferendas, atque etiam superandas au-  
xilium esse dignetur; omnes Christianos fideles,  
quantum possumus, in Domino hortamur,  
& per viscera misericordiae Dei obsecramus,  
ut promissam a Domino nostro Jesu Chri-  
sto

Exordium.

Collegii Ang-  
licani ever-  
sio.

Hortatio ad  
Christianos fideles  
ad illi subveniendum.

Facili scribas.

Extensio liti-  
rarum, de  
quibus in pre-  
sentibus Con-  
stitutionibus.

Derogatio  
contrariarum

Dat. die 23.  
Decem. 1581.  
An. X.

sto misericordibus benedictionem, quae ipsa  
est misericordia, memoria repetentes, affli-  
ctorumque Anglorum miseras sibi ante-  
oculos ponentes, ministri Dei in pietatis  
opere effecti, eos, vel deputatos ab eisdem,  
praesentes literas, vel earum autentica exem-  
pla offensuros largis, ut quisque poterit, hac  
favente persequutione adjuvante elemosy-  
nis, Christumque in afflictis, & rerum om-  
nium inopia confectis pro Christo fratribus  
suscipiant. Mandantes universis, & singu-  
lis Ecclesiarum Praelatis, eorumque Vica-  
riis, necnon Rectoribus, & verbi Dei Prae-  
dicatoribus, ceterisque omnibus personis  
Ecclesiasticis, ut eas in suis quibusvis locis,  
& Ecclesiis, etiam in ipsis concionibus, po-  
pulo promulgari (fraude, & lucro cessan-  
tibus) faciant, & permittant, unamque,  
vel plures probate fidei personas, non ta-  
men quaesores, pro quaerendis, recipiendis,  
& ipsis Anglis, seu Deputatis integre con-  
signandis elemosynis hujusmodi statuant.

Alia hortatio  
ad Principes.

§.3. Quin etiam carissimos in Christo fi-  
lios Imperatorem, ceterosque orbis Chri-  
stiani Reges, & Principes rogamus, ut pro  
sua in Deum pietate, & propensa in paupe-  
res egenos, praesertim pro fide Catholica la-  
borantes, benignitate, facultate illis a Deo  
miseris subveniendi elargita, pietatis studia  
exerceant, eorumque, in quibus tanta, adju-  
vante Domino, elucet Christianae Religio-  
nis perseverantia, tantum viget verae pieta-  
tis exemplum, egestatem sublevent, & qui-  
buscumque poterint, favoribus prosequan-  
tur. Scituri quicumque illis misericordiam  
fecerint, sese a Redemptore nostro Jesu Chri-  
sto, cujus certa sunt promissa, retributio-  
nis praemium in aeterna Coelestis regni bea-  
titudine percepturos.

Fides trans-  
portum.

§.4. Quia vero praesentes ad omnia lo-  
ca, quibus illis opus esset, deferri nequeunt,  
decernimus, ut illarum transumptis, etiam  
impressis, manu Notarii publici subscriptis,  
& sigillo alicujus personae in dignitate ec-  
clesiastica constitutae munitis, eadem pror-  
sus fides habeatur, quae eisdem originalibus  
literis adhiberetur, si forent exhibitae, vel  
ostensa.

D. P. An. X.  
21. Januarii.

Datum Romae apud S. Petrum, Anno  
Incarnationis Dominicae millesimo quin-  
gentesimo octuagesimo secundo, duodeci-  
mo Kal. Februarii, Pontificatus nostri anno  
decimo.

CXXXV.

Quomodo permittatur Ordini Fratrum San-  
cti Antonii Viennae. pro eorum Hospi-  
talibus elemosynas colligere.

Consonat Concilium Trident. sess. 21. cap. 9. &  
Const. Pii IV. CXVIII. Ex debito Tom. IV.  
Par. II. fol. 242. Cetera de hoc Ordine dixi  
in Const. XI. Bonif. VIII. In dispositione  
Tom. III. Par. II. fol. 86.

GREGORIUS PAPA XIII.

Ad perpetuam rei memoriam.

Exordium.

**R**Omani Pontificis providentia cir-  
cumspecta, dum singulis Monasteriis  
Bull. Rom. Tom. IV. Par. IV.

& aliis Regularibus locis cogitare impelli-  
tur, ad illa, vel in primis mentis suae  
aciem dirigit, quae ex eorum instituto lan-  
guidorum, & aliarum miserabilium per-  
sonarum Hospitalitati obnoxia congrue  
subventionis auxilio indigere dignoscuntur.

§.1. Sane licet Sacrum Concilium Tri-  
dentinum propter pravae elemosynarum  
quaesitorum abusus, eorum nomen atque  
usum penitus abolerit, neque ipsos ad  
officium hujusmodi exercendum ullo modo  
admitti voluerit, attamen noluit ut elee-  
mosynarum Hospitalibus in quibus Hospi-  
talitas actu exercetur, ad eorum sustenta-  
tionem a devotis Christianis erogari soli-  
tarum, perquisitio atque collectio ab ho-  
nestis personis, honestoque modo facta pro-  
hiberetur.

§.2. Quocirca ne hoc praetextu Mona-  
sterium ad Romanam Ecclesiam nullo me-  
dio pertinens S. Antonii de S. Antonio Or-  
dinis S. Augustini Viennae. Dioc., illiusque  
Hospitalia, & Domus per Orbem Christianum  
longe lateque dispersa, ad quae (sicut  
dilecti filii Abbas, & Conventus dicti Mo-  
nasterii Nobis nuper exponi fecerunt) mi-  
serabiles illae personae horrendo sacri ignis  
cruciatu correptae, recursum habere, ibi-  
que recipi atque curari, & sustentari solent,  
& in quibus Hospitalitas servatur, piis Chri-  
stifidelium elemosynis, sine quibus Hospi-  
talitas hujusmodi exerceri, & alia onera  
illis incumbentia supportari nequeunt, defici-  
tuta remaneant, paterna caritate provide-  
re, eorumque indemnitati consulere vo-  
lentes, ipsorum Abbatis, & Conventus sup-  
plicationibus in hac parte inclinati, eisdem  
Abbati, & Conventui, necnon dilectis filiis  
Praepetoris, Administratoribus, & aliis Re-  
ligiosis Hospitalium dicti Monasterii, in qui-  
bus Hospitalitas actu exercetur, ut petita,  
& obtenta in primis ab Ordinariis locorum,  
annis singulis in scriptis licentia, quam ipsi  
Ordinarii omnino gratis dare debeant, elee-  
mosynas, & quaecumque alia caritatis sub-  
sidia per personas honestae vitae ad id ab ipso  
Abbate, seu aliis dictae Religionis superio-  
ribus pro tempore deputatis, pro usu ejus  
Hospitalis S. Antonii, in quo Hospitalitas  
actu exercetur, simulque existit intra fines  
illius Civitatis, vel Dioc., in qua elemo-  
syna perquirantur, aut ejusmodi est, in  
quo curari soleant pauperes omnes eo mor-  
bo laborantes, qui ex tota illa Dioc. addu-  
cuntur, perquirere, & colligere, illaque re-  
cipere, & levare libere, & licite valeant,  
dummodo hujusmodi elemosyna conver-  
tantur dumtaxat in usus pauperum infirmo-  
rum, & ministrorum deservientium Hos-  
pitalibus, quae in illa Dioc. sunt, aut in qui-  
bus curari solent pauperes illius Dioc., in qua  
elemosyna colliguntur, Apostolica aucto-  
ritate tenore praesentium perpetuo concedi-  
mus, & indulgemus, ipsosque per dictos  
Ordinarios, seu eorum Vicarios in spiritua-  
libus Generales, aut Officiales, necnon fa-  
bricae Basilicae Principis Apostolorum de  
Urbe, Cruciatu Sanctae, ac Neapolitan.,  
& aliarum Redemptionis captivorum fo-  
ciata-

Concilium  
Trid. quatenus  
prohibuit, sed  
non elemo-  
synas colligi  
vetuit in e-  
9.  
fol. 21.

Hic idem Pon-  
tificis declarat  
licite Ordini  
S. Antonii e-  
lemosynas  
certo modo  
colligere.

B